

Maendeleo Yetu

Jarida la Mtandaoni

Toleo no: 001

SERIKALI YA JIDHATITI KU WALINDA WAZEE



Yaliyomo:

- Waasisi wa Jumuiya za Wanawake watakiwa kuendeleza ukombozi
- Serikali: Tumeweke mazingira wezeshi utendaji wa NGOs Nchini

- Wanajamii watakiwa kushiriki kumlinda Mtoto
- Tushirikiane kumwezesha mtoto: Dkt Jingu
- Mwanamke wa Kijijini muhimili wa Maendeleo: Dkt Jingu

SERIKALI YA JIDHATITI KUWALINDA WAZEE.



Wazee wakiwa katika maandamano ya kuadhimisha Siku ya Kamataifa ya Wazee iliyofanyika katika Halmashauri ya Mji Kondoa mkoani Dodoma.

Na Raymond Mushumbusi Kondoa

Katika Maadhimisho ya Siku ya Kimataifa ya Wazee Serikali imesema itaendelea kupambana na unyanyasaji wa Wazee nchini ikiwemo kudhibiti vitendo vya mauaji ya Wazee.

Hayo yamesemwa Wilayani hapa mkoani Dodoma na Katibu Mkuu Wizara ya Afya-. Idara Kuu ya Maendeleo ya Jamii Dkt. John Jingu wakati wa Maadhimisho ya Kimataifa Siku ya Wazee kwa Mkoa huo.

Aidha Dkt. Jingu ameongeza kuwa Serikali inafanya jitihada za kuwatunza Wazee hasa wasiojiweza kwa kuboresha makazi ya Wazee yanayosimamiwa na Serikali.

“Jamii tumewasikia Wazee wetu ni jukumu letu kuwalinda wazee hawa wafurahie maisha na ni wajibu wetu tusiukimbie”

“Hawa wazee nao wakati wanatulea wangesema hawana muda na sisi tungekuwa wapi tungekuwa wakina nani tuwatunze wazee wetu” alisema

Akitoa taarifa ya maboresho ya huduma za Wazee kwa ngazi ya Wizara Kamishna wa Ustawi wa Jamii Dkt. Naftali Ng'ondi amesema Serikalin imeendelea kuwatunza wazee wasiojiweza katika Makazi 13 yanayosimamiwa na Wizara kwa kuwapatia huduma stahiki kwao.

“Tunahudumia wazee 281 mpaka sasa katika Makao haya tunayoyahudumia kwa kuwapatia wazee huduma za Afya na huduma nyingine muhimu” alisema.

WAASISI WA JUMUIYA ZA WANAWAKE AFRKA WATAKIWA KUENDELEZA UKOMBOZI

Na Magdalena Nkulu Dar es Salaam

Katibu Mkoo Wizara ya Afya – Idara Kuu ya Maendeleo ya Jamii Dkt. John Jingu amewataka waasisi wa Jumuiya za wanawake wa nchi huru za Afrika PAWO kuendelea na mapambano ya kuwakomboa wanawake kiuchumi, kijamii na kiutamaduni.

Akizungumza na waasisi hao jijini hapa Dkt. Jingu amesema PAWO imetoe mchango mkubwa katika bara la Afrika wakati wa harakati za kuondokana na ubaguzi wa rangi na ukandamizaji wa wakoloni lakini bado mapambano yanaendelea ambayo ni kujikomboa kiuchumi katika nchi na mtu mmoja mmoja.



Katibu Mkoo Wizara ya Afya, Maendeleo ya Jamii, Jinsia, Wazee na Watoto – Idara Kuu ya Maendeleo ya Jamii, Dkt. John Jingu akiwa katika picha ya Pamoja na waasisi wa Umoja wa Jumuiya za Wanawake wa nchi huru za Afrika (PAWO) jijini Dar es salaam

Ameongeza pia, Serikali kuititia Wizara ya Afya – Idara Kuu ya Maendeleo ya Jamii imeweka kipaumbele suala zima la kuwakomboa wanawake kiuchumi kwa kutambua kuwa, mwanamke akiwezeshe wa kiuchumi atawezekene kwa mambo mengi hivyo kuepukana na unyanyasaji un- aotokana na uchumi duni.

“Katika shughuli zetu zote tumeweka suala la kuwawezesha wanawake kiuchumi kuwa kipaumbele, tunafanya hivyo kwa sababu tunajua mwanamke akiwezeshe wa kiuchumi mambo mengine yote yanaweza kufunguka” amesema Jingu.

Katibu wa Umoja huo hapa nchini Marie Shaba amesema, tangu kuanzishwa kwake umoja huo Pamoja na shughuli nyingi walizofanya waasisi, wamemua kuendelea kupambana kwa kufanya kampeni kuibua mambo ambayo yatafanya jamii iweze kubadili fikra na tabia katika ngazi zote ikiwemo mila na desturi.

Naye mwanasheria kutoka Ofisi ya msajili wa Mashirika Yasiyo ya Kiserikali Charles Mpaka amewashauri waasisi hao kufuata sheria na taratibu za usajili wa mashirika na kuwa, Ofisi ya Msajili ipo tayari kuwapa ushirikiano

SERIKALI: TUMEWEKA MAZINGIRA WEZESHI UTENDAJI WA NGOs



Msajili wa NGOs Vickness Mayao wakati akizungumza na wadau wa NGOs mkoani Dodoma wakati wa ufunguzi wa Ofisi ndogo za Shirika la Foundation For Civil Society mkoani humo.

Na Raymond Mushumbusi Dodoma

Serikali imesema imeweaka mazingira wezeshi ya utendaji wa Mashirika Yasiyo ya Kiserikali nchini zikiwemo Sheria, Kanuni, miongozo na taratibu mbalimbali zitakazowezesha kuwa na uratibu na usimamizi mzuri.

Hayo yamesemwa jijini hapa na Mwakilishi wa Katibu Mkuu Wizara ya Afya- Idara Kuu ya Maendeleo ya Jamii Vickness Mayao wakati akifungua Ofisi ndogo za Shirika la Foundation For Civil Society mkoani Dodoma.

Aidha, Vickness amesema pamoja na kuyawekea Mashirika mazingira wezeshi, Serikali kwa kushirikiana na wadau imepitisha mwongozo wa uratibu wa pamoja wa Mashirika hayo na kupitia mwongozo huo Mashirika sasa yanaelekezwa kushirikiana na Sekta mbalimbali katika kutekeleza majukumu yao ikiwa ni pamoja na kuzingatia vigezo vya kitaalamu.

Vickness ametoa rai kwa Mashirika Yasiyo ya Kiserikali pamoja na wadau wengine kutumia fursa ya kufungua Ofisi katika Makao Makuu ya nchi kwa maslahi ya mapana ya nchi yetu na maendeleo ya Sekta ya Mashirika Yasiyo ya Kiserikali.

Ameongeza kuwa amefurahishwa na Shirika hilo kwa kufungua Ofisi hiyo ambayo pia itatumika kama kituo cha Asasi za Kiraia jijini hapa na kitatumika kama kituo cha taarifa, ushauri, maarifa na mahali pa kufanya kazi kwa wadau mbalimbali wakiwemo wadau wa maendeleo, wana Azaki, Asasi za kijamii, Serikali, Sekta binafsi, Taasisi za kitaaluma na utafiti pamoja na jumuiya za kimataifa ili kuwezesha wananchi kupata, kutumia na kujifunza shughuli za Mashirika Yasiyo ya Kiserikali.

“Napenda kuchukua nafasi hii kulipongeza Shirika la Foundation For civil Society na Mashirika mengine yaliyoona umuhimu wa kufungua Ofisi zake hapa Dodoma” alisema

“Hili litatekelezwa vizuri endapo Mashirika yatapata fursa ya kupata taarifa sahihi na maarifa kupitia vituo vya kutoa taarifa kama hiki” alisema

JAMII YATAKIWA KUSHIRIKIANA KUMLINDA MTOTO

Na Magdalena Nkulu , Pwani

Katibu Mkoo Wizara ya Afya-Idara Kuu ya Maendeleo ya Jamii Dkt. John Jingu amewataka wanajamii kushirikiana kumlimda mtoto dhidi ya vitendo vya ukatili ili kujenga taifa imara.

Katibu Mkoo Jingu ameyasema hayo katika Shule ya Msingi Ngarawani Halmashauri ya Wilaya ya Mkuranga, Mkoani Pwani alipozindua dawati la kuzuia ukatili dhidi ya watoto ikiwa sehemu ya maadhimisho ya Siku ya Kimataifa ya Mtoto wa Kike.

Amewataka Wazazi, walezi, walimu na Jamii kwa ujumla kila upande kutumiza wajibu wake na hatimaye kuwa watoto waliolelewa kwa misingi ya maadili na hivyo, kujenga Taifa imara na madhubuti.

Dkt. Jingu amesema Serikali itaendelea kufanya kila linaloweze-kanu kumlinda mtoto dhidi ya ukatili na kusitiza siyo Serikali peke yake lazima familia kufuatilia mienendo ya watoto.

Mkurugenzi Mtendaji wa Shirika la Haki Elimu Dkt. John Kalaghe amesema Shirika hilo linajivunia mazingira bora ya kazi yaliyoandaliwa na Serikali katika utekelezaji wa miradi yao hapa nchini.

Amesema Shirika lake limeweka kipaumbele katika kuhakikisha watoto hasa wa kike wanalindwa na kuwezeshwa kusoma bila vikwazo vya aina yotote.

Amesema kwa takwimu zilizpo Juhudi za Serikali na wadau zimevezesa ongezeko uwiano wa watoto wa kike na wa kiume wanaoandikishwa kujiunga na elimu ya Msingi.

Naye Mkurugenzi wa Halmashauri ya Wilaya ya Mkuranga Msham Munde amesema amepongeza jitihada zinazochukuliwa na Serikali kwa kuwashirikisha wadau katika kuchochea maendeleo ya elimu.

“Mgeni rasmi napenda kukuuhakikisha kuwa wadau wa elimu wanafanya kazi nzuri na haki elimu siyo ile ya kipindi kile” aliongeza.

Kwa upande wao baadhi ya watoto wa kike walionufaika na uzinduzi wa dawati hilo yamewaongezea ujasiri na hivyo kufanya vizuri katika masomo.

Siku ya kimataifa ya Mtoto wa kike huadhimishwa kila ifikapo tarehe 11 Oktoba ambapo kwa mwaka huu Kaulimbiu ni “Tumwezeshe Mtoto wa Kike Kujenga Taifa lenye Usawa”



Katibu Mkoo Wizara ya Afya, Maendeleo ya Jamii, Jinsia, Wazee na Watoto - Idara Kuu ya Maendeleo ya Jamii, Dkt. John Jingu akizungumza na wananchi wa kijiji cha Ngarawani Mkuranga mkoani Pwani baada ya kuzindua dawati la kuzuia ukatili wa kijinsia katika shule ya msingi Ngarawani.

TUSHIRIKIANE KUMUWEZESHA MTOTO-DKT JINGU



Katibu Mkuu Wizara ya Afya, Idara Kuu ya Maendeleo ya Jamii Dkt. John Jingu akizungumza katika Maadhimisho ya Siku ya Kimataifa ya Mtoto wa kike yaliyofanyika kimko katika Viwanja vya Karimjee Jijini Dar es salaam.

Na Magdalena Nkulu, Dar Es Salaam

Serikali imesema malezi bora ya watoto nchini yanategemea ushirikiano kati yake na Mashirika Yasiyo ya Kiserikali ili kuleta ufanisi na hatimaye kujenga taifa imara lenye watu madhubuti.

Kauli hiyo imetolewa Jijini hapa na Katibu Mkuu Wizara ya Afya, Idara Kuu ya Maendeleo ya Jamii, Dkt. John Jingu katika maadhimisho ya Siku ya kimataifa ya Mtoto wa kike yaliyofanyika kimko katika Viwanja vya Karimjee.

Dkt. Jingu amesema kazi kubwa imefanyika kwa ajili ya kuwawezesha watoto kuondokana na vitendo vya ukatili kutoka kwa wanajamii.

« Serikali imeanzisha mifumo mbalimbali ya kuwawezesha watoto kupata elimu bila malipo na hivyo kuwajengea watoto vipaji na uwezo wa kuwa Watumishi na viongozi bora kwa maisha ya baadaye, » alisema

Aidha amesema Serikali imetunga sheria zinazolenga kutoa adhabu kali kwa wale wote wanaoshiriki katika vitendo vya ukatili kwa watoto.

« Serikali inaendelea kutekeleza mpango wa kuwawezesha watoto kuishi maisha bora na wale wanaojikuta katika mtanziko wa maisha inawaandalia mazingira ya malezi Bora »

Alisema kwa sasa, Serikali inaendelea na ujenzi wa kituo kikubwa cha Makazi ya watoto wenye mahitaji maalum kilichoko katika eneo la Kikombo Mkoani Dodoma.

Amesema Serikali pia imejikita katika kushirikisha wadau kuanzisha madawati ya kupinga ukatili dhidi ya watoto ambapo hadi sasa kuna madawati 155 nchini.

Aidha amesema ili kuhakikisha usalama wa watoto hususan mtoto wa kike, kamati za ulinzi na usalama zaidi ya 30,000 zimeundwa nchi nzima.

Kutokana na mabadiliko ya teknolojia, Dkt. Jingu amesema serikali imeandaa mazingira ya kumlinda mtoto dhidi ya udhalilishaji kwa njia ya mtandao.

Kwa upande wake Mwenyekiti wa Baraza la Watoto Mkoa wa Dar Es Salaam Sapna Alaudin ameishukuru Serikali kwa kuwawezesha watoto kuwa na mfumo wa kukutana na kuzungumzia mafanikio, changamoto na namna ya kutafuta ufumbuzi wake.

Aidha, Sapna amewaomba wazazi, walezi na viongozi wa dini kuendelea kuwalinda na watoto na kutenga muda wa kuwasikiliza na kutoa maelekezo kwa ajili ya ustawi wa maisha yao.

MWANAMKE WA KIJIJINI MHIMILI WA MAENDELEO: DKT JINGU

Na Mwandishi Wetu Mkuranga Pwani

Imeelezwa kuwa Wanawake wanaoishi vijijini ni muhimili mkuu wa maendeleo ya Viwanda nchini kutokana na ushiriki wao katika uzalishaji malighafi na kutafuta masoko ya bidhaa wanazozizalisha.

Hayo yamesemwa katika Kijiji cha Kazole, Mkuranga Mkoa wa Pwani na Katibu Mkuu Wizara ya Afya, Idara Kuu ya Maendeleo ya Jamii, Dkt. John Jingu katika maadhimisho ya Siku ya Mwanamke anayeishi Kijijini.

Dkt. Jingu amesema mchango wa Mwanamke wa Kijijini katika ukuaji wa uchumi wa Nchi ni mkubwa ndio maana Serikali inaendelea kutambua na kuenzi Siku hii.

“ Wote tunatambua kuwa Wanawake hasa wa Kijijini wana mchango mkubwa sana katika kuchochea maendeleo ya Uchumi wa Nchi yetu ambao uko kwenye viwango vya Uchumi wa Kati,” alisema.



Katibu Mkuu Wizara ya Afya, Idara Kuu ya Maendeleo ya Jamii, Dkt. John Jingu akiangalia kuku wanaofungwa na vikundi vya Wanawake katika maadhimisho ya Siku ya Mwanamke anayeishi Kijijini yaliyofanyika mkoani Pwani.

Amesema Msingi wa Ustawi ni Mwanamke wa Kijijini na hivyo Serikali itaendelea kuhakikisha wanawake hasa wa vijijini wanaendelea kupata uwezo wa kiuchumi.

Ameongeza kuwa mifuko ya Halmashauri inayolenga kuwawezesha wanawake, Vijana na Wenye ulemavu itaendelea kupigiwa chapuo kwa ajili ya kuwawezesha kiuchumi Wanawake hao.

Aidha amewataka Wanawake kuendelea kuboresha bidhaa wanazozizalisha ili kuendelea kuingia katika viwango vya Ushindani kwenye masoko ya kitaifa na kimataifa.

Naye Mwakilishi wa Mkuu wa Wilaya Kisarawe, Veronica Kinyemi amesema Wilaya hiyo imejipanga kuhakikisha wanawake wanapata maendeleo ya kweli kupitia shughuli za uzalishaji mali.

Amesema katika kipindi cha mwaka wa fedha 2019/2020 zaidi ya Shilingi Milioni 500 zimebolewa kama mikopo kupitia Halmashauri kwa ajili ya wanawake, Vijana na Wenye ulemavu.

JAMII YAASWA KUANZISHA VITUO VYA MALEZI KWA WATOTO WADOGO



Kamishna Msaidizi wa Ustawi wa Jamii Shilungu Ndaki kutoka

Wizara ya Afya- Idara Kuu ya Maendeleo ya Jamii akizungumza na wadau katika kikao kazi kilichowakutanisha kuandaa kiongozi cha Malezi, Makuzi na Maendeleo ya Mtoto jijini Dodoma.

Na Raymond Mushumbusi Dodoma

Jamii imeaswa kuanzisha vituo vya malezi malezi, makuzi na maendeleo ya awali ya mtoto ili kumuwezesha mtoto kupata malezi na makuzi ya awali kwa maendeleo na ustawi wake.

Hayo yamesemwa leo jijini hapa na Kamishna Msaidizi wa Ustawi wa Jamii Shilungu Ndaki kutoka Wizara ya Afya- Idara Kuu ya Maendeleo ya Jamii wakati wa kikao kazi cha kuandaa kiongozi cha malezi kwa watoto wadogo.

Ameitaka jamii kunzisha vituo vingi katika jamii ili viweze kutoa malezi changamshi kwa lengo la kuandaa watoto kuanzia miaka 0 hadi miaka 5 katika hatua za ujifunzaji na maendeleo yao kwa ujumla.

Kamishna Ndaki amesema kuwa huduma za malezi na makuzi ya awali kwa mtoto katika vituo ya vya kulelea watoto wa changa mchana zinaendeshwakwa kujibu wa Sheria ya Mtoto no 21 ya mwaka 2009.

Aidha amesema lengo kuu la kikao kazi hicho ni kupitia na kuboresha kiongozi cha malezi changamshi ya awali kwa watoto kwa kukutana na wadau kutoka vitengo vya Wizara na wadau wenginewa nje ili kufanikisha kuwa na kiongozi muhimu kwa malezi ,makuzi na maendeleo ya awali ya mtoto.

“Kikao kazi hiki kinalenga kuandaa kiongozi kwa ajili ya kuboresha na kuimarisha utekelezaji wa Sheria juu ya malezi, matunzo, ulinzi na usalama wa mtoto katika vituo vya kulelea watoto wadogo mchana” alisema

Pia amesema Wizara inatilia mkazo uanzishwaji kusajiliwa wa vituo hivyo kwani vituo vingi vimekuewa vikiianzishwa bila kufuata miongozo na taratibu zilizowekwa ma Serikali katika uanzishwaji wa Vituo hivyo.

Amesema hadi Septemba mwaka 2020 Wizara ya Afya, Maendeleo ya Jamii, Jinsia, Wazee na Watoto kupitia Idara ya Ustawi wa Jamii imesajili jumla ya vituo 1,695 vinavyohudumia watoto Zaidi ya 7,965 nchi nzima.

Kwa upande wake Meneja wa Mradi wa Malezi ,Makuzi na Maendeleo ya Mtoto wa Shirika la Brac Maendeleo Tanzania Creptone Madunda amesema Shirika lao linashirikiana na Serikali katika kuandaa kiongozi hicho maabao kitakuwa mkombozi katika malezi makuzi na maendeleo ya mtoto kwani wadau wengi wamekuwa akiendesha vituo vya malezi kwa watoto wadogo kwa namna wanavyojua wao.

MATUKIO KATIKA PICHA



Katibu Mkuu Wizara ya Afya - Idara Kuu ya Maendeleo ya Jamii, Dkt. John Jingu akizindua dawati la kuzuia ukatili wa kijinsia shule ya msingi Ngarawani, Halmashauri ya Wilaya ya Mku-ranga, Mkoani Pwani.

MAHAKAMA YA WATOTO - KISUTU (JUVENILE COURT - KISUTU) DARESSALAAM TANZANIA



Maafisa kutoka Wizara ya Afya- Idara Kuu ya Maendeleo ya Jamii wakiwa katika picha ya pamoja na watendaji wa Mahakama ya Watoto Kisutu jijini Dar es Salaam katika ufuatiliaji wa utekelezaji wa Mkataba wa Afrika wa Haki na Ustawi wa Mtoto.

MATUKIO KATIKA PICHA



Mkurugenzi wa Idara ya Maendeleo ya Jamii Patrick Golwike (kushoto) akiongoza kikao cha wadau wa Sekta ya Nyumba na Maendeleo ya Makazi kujadiliana namna bora ya utekelezaji wa Kampeni ya Piga Kazi Boresha Makazi nchini.



Timu ya wataalam kutoka Ofisi ya Msajili wa NGOs ikiiongozwa na Msajili Vickness Mayao (mwenye koti la mistari) wakifuatilia utekelzaji wa mradi ya NGOs zilizopo katika Wilaya ya Kisarawe mkoani Pwani.

MATUKIO KATIKA PICHA



Katibu Mkuu Wizara ya Afya, Idara Kuu ya Maendeleo ya Jamii Dkt. John Jingu akisikiliza maelezo kutoka kwa mrati-bu wa mtandao wa kutokomeza ndoa za utotoni Euphomia Edward katika maadhimisho ya Siku ya Kimaitaifa ya Mtoto wa Kike yaliyofanyika katika Viwanja ya Karimjee Jijini Dar es salaam.



Maafisa kutoka Wizara ya Afya- Idara Kuu ya Maendeleo ya Jamii wakiwa katika picha ya pamoja na Askari wa Gereza la Wanawake Kinguluila Mkoani Morogoro katika ufuatilaji wa utekelezaji wa Mkataba wa Afrika wa Haki na Ustawi wa Mtoto.

Bodi ya Wahariri

Mwenyekiti:
Dkt. John .K. Jingu

Mhariri Mkuu:
Prudence Constantine

Wahariri:
Magdalena Nkulu
Raymond Mushumbusi

Msanifu:
Raymond Mushumbusi

Jarida hili limeandaliwa na:
Kitengo cha Mawasiliano Serikalini

Wizara ya Afya, Maendeleo ya Jamii, Jinsia, Wazee na Watoto
(Idara Kuu ya Maendeleo ya Jamii)
Mji wa Serikali Mtumba
Mtaa wa Afya,
S.L.P 573
40478 Dodoma, Tanzania

Simu: +255 26 2963341/42/46 Nukushi: +255 26 2963348
Barua Pepe:ps@jamii.go.tz